

लहना

व्यावसायिक पत्रकारिता, थौंया आवश्यकता

LAHANA WEEKLY

वा:पौ

सा:गु भिंगु मरिचरिया निति
लुमंका दिसँ ।

लक्ष्मण गजाल 'चिल्लि'
प्रोप्राइटर
लाखा छँ
LAKHA CHHEN

सोह्रखुटे, वडा नं. १६, यँ, फोन नं.: ८३६०७५८

थुकि दुने

हाकरन नेता प्रदेशया चर्चा
सानुराजा शाक्य - २



भावना व भविष्यया संघारय प्रदेश व
प्रतिनिधिसभाया निर्वाचन
राजेश बज्राचार्य - ३



यु-१९ एसिया कप छनोट कासा लुमंके
बहःगु नेपा:या प्रदर्शन
प्रजीत शाक्य - ६

प्रदेश नं. ३ यँ जिल्ला क्षेत्र नं ८
या प्रतिनिधि सभा व प्रदेश सभाया
उम्मेदवारपिनिगु प्रतिबद्धता
(पेज ४-५)

चुनाव लिपा
स्वंगू शक्तिया समिकरण

वाम गठबन्धनया तुलनाय् कांग्रेस आक्रमक

लहना संवाददाता

वइगु मंसिर १० व २१ गते याना निगू
चरणया प्रतिनिधिसभा व प्रदेशसभाया
निर्वाचन जूवनाच्वंगु दुसा चुनावया लिच्चः
गुज्वःगु वइ धका: नं मनुतयूसं बिचाः
यानाहःगु दु । एमाले व माओवादी केन्द्र जाना
बाम गठबन्धन दय्का मंका: उम्मेदवार थनेगु
ज्या यानाच्वंगु दुसा वाम गठबन्धनपाखें आः
दुई तिहाई बहुमत थःपिनिगु पक्षय् वइ धकाः
दावी यानाच्वंगु दु ।

वाम गठबन्धनया दथुई अन्तर्गत मजुल
धा:सा अःपुक हे बहुमत हइ धका: मनुतयूसं
धायगु याना वयाच्वंगु दुसा न्हापा एमाले व
माओवादी केन्द्रया नेतानिसें कार्यकर्तातयगु
दथुइ तर्क छगू कथं दुश्मन थें जुयाच्वंगुलिं
आःया चुनावय् भोट कस जुइगु अवस्थाय्
धा:सा कांग्रेस त्याइगु संभावना दु धका: नं
धायगु यानाच्वंगु दु । स्थानीय तहया चुनावया
आधारय् एमाले व माओवादी केन्द्रयात वःगु
भोटया आधारय् थःपिं दुई तिहाई बहुमत
वइ धका: वाम गठबन्धनया नेतातयूसं दावी
या:गु दु । अले थःपिनिगु गठबन्धन कांग्रेस
पार्टी ग्यात धका: तर्क धायगु याना वयाच्वंगु

वाम शक्ति, कांग्रेस शक्ति व
पहिचानवादी शक्तिपाखें गुलि
गुलि सिट त्याकीगु खः
उकिया आधारय् हे मुलुक
न्ह्या: वनी । अले थ्व हे
स्वंगू शक्तिया समिकरणया
आधारय् सरकार निर्माण,
मुख्य मन्त्री ल्ययेगुनिसें
संविधान संशोधनया
सवालनिसें फुक्क सँय्
प्रभावित जुइ ।

दु । उखे नेपाली कांग्रेसया नेतातयूसं नं एमाले
व माओवादीया शीर्ष नेतात छथाय् च्वनेवं
हे कार्यकर्तात व मतदातात छथाय् हे च्वनी
धइगु अवस्था मदुधासें थुगुसीया चुनावय्
थःपिनिगु बहुमत वइ धका: दावी याना
वयाच्वंगु दु ।

कांग्रेसया सभापति नाप प्रधानमन्त्री
शेरबहादुर देउवां ला भन सार्वजनिक रुपं
हे लोकतन्त्र भर्सेस साम्यवादया दथुइ थ्व
चुनाव खःधासें वाम गठबन्धन त्यात धा:सा

मनूत न्हिले तर्क दइमखु, खवय् तर्क दइमखु
धका: न्ववानादीगु दु । उलि जक मखु वाम
गठबन्धन धइगु हे लोकतन्त्र विरोधीपिनिगु
खः धका: तर्क धायगु यानाहःगु दु । न्हापा
२०४८ सालया चुनावया इलय् कांग्रेस
कम्युनिष्ट पार्टीत त्यात धा:सा बुरा बुरि
मधाइगु, थःगु सम्पत्ति मदइगु, न्हिले खवय्
मदइगु, स्वतन्त्रता मदइगु धका: गुगु कथं द्वपं
बिल उगु हे कथं थुगुसी नं कांग्रेसया नेतात
प्रस्तुत जूगु खने दु । नेपाली कांग्रेसया नेतात
वाम गठबन्धनयात थीथी कथं द्वपं बिइगु
ज्या तर्क यानादीगु दु । कांग्रेसया नेतात वाम
गठबन्धन विरुद्ध गुगु कथं प्रस्तुति जुयादीगु
खः उगु कथं वाम गठबन्धनया नेतात
प्रस्तुत जूगु खने मदुनि । सरकार चुनाव
मयायेगु खेल यानाच्वन धका: माओवादी
केन्द्रया अध्यक्ष प्रचण्ड द्वपं बियादीगु दुसा
एमालेया अध्यक्ष केपी शर्मा ओली नं
देय् विकास याइपिं व लुटेयाइपिनिगु दथुइ
धेधेबल्ला खः धयादिसें भिगः कम्युनिष्टत
तज्या:गु अवस्थाय् जक मेपिन्स राज या:गु
आः धा:सा याय् फइमखु धका: तर्क दावी
यानादीगु दु ।

ल्यं ७ पेजय्

थःपिनिगु हे खँ न्यना
ओली व प्रचण्ड
अजूचाल



यँ । एमाले नाप लिक्क ला:गु
कथं नालात:गु छगू राष्ट्रिय न्हिपतिइ
आइतवा: वइगु मंसिर ९ गते एमाले
व माओवादी केन्द्र एकीकरण जुइ
धका: समाचार पिदन । उगु समाचारं
सकलसिगु ध्यान सालाकाल ।
अप्व: याना संचार माध्यमय् बयबय
जुल । एमाले व माओवादी केन्द्रया
कार्यकर्तानिसें नेतातयूसं तर्क तसर्क
चासो तल । कांग्रेसया नेतातयूसं नं
तसर्क चासो तल । छगू कथं बयबय
जुल । आइतवा: एमालेया अध्यक्ष
केपी शर्मा ओली व माओवादी
केन्द्रया अध्यक्ष प्रचण्ड धा:सा
चुनावया भूवलय् स्विनगल पिने
वनाच्वंगु खः ।

उकिं एमाले व माओवादी
केन्द्र एकता मंसिर ९ गते जुइ
धा:सा समाचार सुथ न्हापां ओली व
प्रचण्डयात मथ्यंगु जुयाच्वन । लिपा
एमालेया हे नेता व कार्यकर्तातयूसं
आइतवा: हे भापाया गौरादह
ल्यं ७ पेजय्

‘नेवा:’य् जक सीमित मजुल
नेरापाया उम्मेदवार

यँ । नेवा: समुदायया छगू जक
आधिकारिक पार्टीकथं कया वयाच्वंगु
नेपा: राष्ट्रिय पार्टीया थुगुसिया प्रतिनिधिसभा
व प्रदेशसभाया चुनावय् उम्मेदवार जुयादीपिं
नेवा: समुदाय दुने जक सीमित मजुल ।

न्हापांगु व निक्वःगु संविधानसभाय्
उगु पार्टीपाखें नेवा:तयूसं जक उम्मेदवारी
बिया वयाच्वंगु खः । तर थुगुसी धा:सा उगु
पार्टीपाखें उम्मेदवार जूपिं खस आर्य, दलित
व मुस्लिमलिसें मधेसी समुदायया नं खः ।
उगु पार्टी प्रदेशसभाया समानुपातिकपाखें
२०म्ह व प्रतिनिधिसभाया समानुपातिकपाखें
११म्हेस्यां उम्मेदवारी ब्यूगु दु । प्रतिनिधिसभा
प्रत्यक्षपाखे २म्ह व प्रदेशसभाया निति
३म्हेस्यां उम्मेदवारी ब्यूगु खः । फुक्क
उम्मेदवार प्रदेश ल्या: ३य् केन्द्रीत जूगु दु ।
पार्टी नाय: डा. विजयप्रकाश सैजु यँया
क्षेत्र नं ७(क), रामहरी रंजित ८ (क),
विष्णुभक्त गोपाली १०(ख) थःगु उम्मेदवारी
बियादीगु दु । अथेहे प्रतिनिधि सभाय् यँ क्षेत्र
नं. ९ पाखें खगेस रंजितकार व काभ्रे क्षेत्र
नं. १ पाखें सुन्तलाकाजी श्रेष्ठ उम्मेदवारी
बियादीगु खः ।

न्हापांगु संविधानसभाया चुनाव लिक्क
वयाच्वंगु इलय् नेवा: समुदायया हक
अधिकारया निति धासें उगु पार्टी नीस्वंगु
खः । थुगुसी संविधानकथं जातीय कलस्ट

बहुल जाति, बहुल विचा: दुगु
देशय् निगू दलं जक शासन
न्ह्याकाकेगु धइगु मेमेगु जाति
व बिचा:यात न्हंका छवय्गु
ग्यानापूगु षडयन्त्र खः ।

मिलेयाना: उम्मेदवारी बीमा:गु बाध्यात्मक
जुगुलिं नेवा: उम्मेदवारय् जक सीमित मजुगु
नाय: डा. सैजु धयादीगु दु । थ्वस्वयां न्ह्यः
नेपालभाषा जक ज्याइव: न्ह्याकीगु उगु
पार्टी वंगु मंगलवा: ग्वसा: ग्वःगु घोषणापौ
सार्वजनिक समारोहस खस नेपाली भासं
ज्याइव: न्ह्याकूगुलिं नं उकिया संकेत
या:गु दु । ‘थुगुसी नेवा: सरोकारयात राष्ट्रिय
परिवेशया पृष्ठभूमिइ ल्हवनेगु कुत: यानागु
दु ।’ नाय: डा. सैजु धयादीगु दु ।

पार्टी बाम व लोकतन्त्रवादी थःपिनिगु
निशाना दय्कूगु दु । निगुलिं अलग्ग अलग्ग
गठबन्धन देशय् निगू दलीय अधिनायकवाद
हावी जुइगु खतरा दुगु धयादिसें पार्टी थःगु
घोषणापौ सार्वजनिक या:गु खः । तत:धंगु
दलया गठबन्धन थीथी बिचा: व आस्थायात
निषेध यायुत स्वःगु द्वपं बियादिसें पार्टीया
नाय: डा. सैजु धयादिल ।

ल्यं ७ पेजय्



New Baneswor, Kathmandu, Nepal
Tel: 4476777, 4498999, Fax: 4476999
E-mail: info@kathmanduornaments.com
banesw@b.com
Web: www.kathmanduornaments.com



सम्पादकीय



चुनावय् शान्ति सुरक्षा

प्रतिनिधिसभा व प्रदेशसभाया चुनाव गुलि न्ह्यःने वयाच्वंगु दु । उलि हे सुरक्षा व्यवस्था याय्गु ज्या नं छगू हाथ्याःकथं न्ह्यःने वयाच्वंगु दु । चुनावया इलय् छुं छुं घटना जुइगु धइगु सामान्य हे जुइधुकल । तर उम्मेदवारतय्त हे लक्षित यानाः गुकथं आक्रमण याय्गु ज्या जुया वयाच्वंगु दु, उकिं चुनावय् छुं तःधंगु घटना जुइगु जक मखुला धइगु आशंका नं ब्वलनावःगु दु ।

चुनावया इलय् सुरक्षा छगू तःधंगु विषय जुयाच्वनीगु खः । न्हूगु संविधान वय्धुकाः उकिया कार्यान्वयन याय्कथं जुयाच्वंगु थुगु चुनावया मू विषय धइगु नं संविधान कार्यान्वयन व उकिया निति बहुमतया सर कार दय्केगु निति जुयाच्वंगु खनेदु । थ्वहे इवल्य् बाम गठबन्धन व लोकतान्त्रिक गठबन्धन दथुइ हे तीब्र धेधेबल्ला जुइगु सम्भावना खने दयाच्वंगु दु । थजाःगु अवस्थाय् छगू पुचल मेगु पुचःयात आरोप प्रत्यारोप याय्गु व विशेषयानाः लोकतन्त्रयात हे खतराय् लाइगु विषययात कयाः चुनावय् न्ह्याःवनाच्वंगु खनेदु ।

थ्वहे इवल्य् चुनाव गुलि न्ह्यःने वयाच्वंगु दु, उगु हे कथं आक्रमणया घटनात नं अप्वया वनाच्वंगु दु । विशेषयानाः वर्तमान सरकारया विना विभागीय मन्त्री नापं पुलांम्ह गृहमन्त्रीयात बम कय्कूगु घटना, पुलांम्ह अर्थमन्त्री नापं माओवादी नेता वर्षमान पुनया च्चनावनाच्वंगु गाडीयात लक्षित यासं माइन विस्फोट याकूगु घटना यानाः चुनावया इलय् गुलितक शान्ति सुरक्षा जुइ धइगु खं न्ह्यःने वयाच्वंगु दु । थुपिं निम्ह थुगु चुनावया उम्मेदवार जुयाच्वनादीपिं खः ।

खय्त ला थुगु घटना विप्लव समर्थित नेपाल कम्युनिष्ट पार्टी याकूगु धइगु खं पिहां वयाच्वंगु दु । थुगु पुचलं चुनाव स्यकेगु कुतः यानाच्वंगु खः । तर थजाःगु हे घटना यानाः मतदातातय्त ग्याचिकुया वातावरण ब्वलनीगु अस्वभाविक मखु ।

चुनाव शान्तिपूर्ण कथं क्वचाय्माःगु व मतदातापिन्त डर त्रासया अवस्थापाखें मुक्त जुइगु वातावरण ब्वलकेमाःगु निर्वाचन आयोगया दायित्व खः । थजाःगु वातावरण ब्वलन धाःसा जक चुनावया लिच्चः प्रभावित जुइमखु । मखुसा जनतां सोचे याःकथंया लिच्चः मवइगु इलय् संविधानया कार्यान्वयनय् तर्क नं प्रतिकूल असर लाय्फु । उकिं दकल्य् न्हापां निर्वाचन आयोगपाखें उम्मेदवारया नापनाप मतदातापिन्त सुर क्षाया अनुभूति बीमाःगु आवश्यक दु ।

चुनावया इलय् खास यानाः दलत नं संयमित जुयाः न्ह्याःवनेमाःगु खनेदु । थःगु दल त्याकेगु निति न्ह्यागु नं हर्कत याय्त भीथाय् नं तयार जुयाच्वनीगु खः । विशेषयानाः सुगम स्वयां दुर्गम क्षेत्रय् थजाःगु घटना यक्व हे जुयाच्वनीगु खः । थनतक सुरक्षाया व्यवस्था याय्मफइगु जूगुलिं हे थजाःगु घटना जुइगु खः । थ्व छगू बांमलाःगु संस्कार खः । थ्व हे संस्कार यानाः गुलि जिल्लायात संवेदनशील क्षेत्र धकाः नं घो षणा याय्माःगु आयोगया बाध्यता दु । उकिं स्वच्छ प्रतिस्पर्धा यानाः न्ह्यावनेगु बातावरण ब्वलकेगु छगू दलया नं दायित्व खःसा थुकियात कार्यान्वयन याय्गु, सुरक्षाया पूर्ण अनुभूति बीगु ज्या निर्वाचन आयो गया खः । थुकियात कयाः नेपाःया हरेक क्षेत्र चाहे व सुगम जुइमाः वा दुर्गम, सुरक्षा निकाय् पाय्छिकथं परिचालन यानाः चुनाव शान्तिपूर्ण रुप क्वचाय्केमाःगु थौया आवश्यकता खः ।

त्वमिपिन्त इनाप

लहना वाःपतिइ लेख, रचना, रिपोर्ट व समाचार छ्वयादीफइ । छिकपिंसं छ्वयादीगुयात थुगु वाःपतिइ थाय् बियाच्वना । पिदंगु च्वसुयात उचित पारिश्रमिक बीगु नं सुचं बियाच्वना ।

लहना वाःपौ

भोर्छे, यें

lahana.news@gmail.com

हाकनं नेता प्रदेशया चर्चा



सानुराजा शाक्य

जुइत्यंगु प्रतिनिधिसभा व प्रदेशसभाया चुनावय् बिस्कं नेवाः राज्यया मुद्दा ताःमलाय् वं नेवाः मुद्दा नामय् निगु मुद्दात बजारय् दु । व खः, ३ नं प्रदेशयात नेवाः ताम्सालिङ्ग प्रदेश नामाकरण याय्गु अले मेगु प्रदेशया सरकारी मान्यता दुगु भाषाय् नेपालभाषायात नं दुथ्याकेगु । प्रदेशया नामाकरण भचा पहिचानयात न्ववाइगु कथं बिस्कं नेवाःजक तय्मफइगु व ३ नं. प्रदेशया दकल्य् अप्वः जनसंख्या दुगु निगु समुदाय गुपिं थ्व प्रदेशया आदिवासी नं खः, नेवाः व तामाङ्ग जातिया पहिचाननाप स्वाइगु कथं नेवाः ताम्सालिङ्ग प्रदेश नामाकरण याय्गु वकालतया शुरुवात चुनावी मुद्दाया रुपय् हय्गु कुतः जूगु खनेदु । तर मुख्य राजनीतिक दलया स्वनिगःया

कारण नेता नं बदनाम हिस्स्याना धाय्गु थेगोया रुपय् छ्यलाबुला जूगुलिं थ्व ३ नं. प्रदेशया नामाकरण नेवाः व तामाङ्ग समुदायया पहिचान खनेदइकथं नेता प्रदेशया नांयात नं नेवाः प्रदेशया वकालत याइपिन्सं हिस्स्याना “नेता” प्रदेश धकाः हिस्स्याय्गु नं मयाःगु मखु । तर इलं थौं नेवाः राज्यया परिकल्पनाकारतय्त थ्व थासय् थ्यंकाबिल कि छगू इलय् थःपिन्सं हे अस्वीकार यानागु नेता प्रदेश नां तयाब्यू धकाः राजनीतिक दलया नेतातय्के याचना याः जुइमाल । उकिं राजनीति याइपिन्सं फुक्क संभावनायात नं सहजकथं कयाः थःगु तर्कयात न्ह्यथनेमाःगु जुयाच्वन । राजनीति थःपिन्सं धइथें फुक्क माग पूमवनेफु । उकिं थःपिन्सं राजनीति याय्बल्य् लिहां वनेफइगु लैनं तयाः जक न्ह्यःने वनेफूसा ताःलाइ, मखु धइगु खःसा असफलता जक ल्हाती लाइ ।

प्रदेशया नामाकरणया सवालयात नेवाः प्रदेशया मागथें राजनीतिकरणया माध्यम दय्काः नेवाः व तामाङ्ग जातिया पहिचान खनेदइकथं नामाकरणया माग याय्बल्य् धरातलीय अवस्थाया कारणं ताः मलाय्फु । उकिं नेवाः व तामाङ्ग जातिया पहिचान नं खनेदइगु नेवाः व तामाङ्ग समुदायबाहेकयात सहजकथं स्वीकार्य जुइफइगु नामाकरण याकेगु कुटनीति हे थौया आवश्यकता

बरु नेकपा एमालेपाखें प्रदेशया उम्मेदवार जुयाच्वंम्ह व भावी मुख्यमन्त्रीकथं चर्चाय् दुम्ह एमालेया उपाध्यक्ष अष्टलक्ष्मी शाक्य थ्व प्रदेशया राजधानी नेपाःया राजधानी स्वयां भचा तापाक्क अथे धइगु भ्वैत, धौख्यःपाखें संकेत याःगु खनेदु । प्रदेशया राजधानी यैय् तय्बल्य् केन्द्रया राजनीति न्ह्याबलें प्रदेशया राजनीति त्वपुइगु संभावना दुगुलिं ३ नं. प्रदेशया राजधानी यै नं पिने तर यक्व तापाक्क नं मजूसं ज्यू धइगु तर्क खः । तर ३ नं. प्रदेशया राजधानी स्वनिगःदुने हे खप व यल जिल्लाया हे लाइगु संभावना यक्व दु । थ्व प्रदेशया उत्तरय् लाःगु जिल्लाभिसें रामेछाप, सिन्धुली, चितवनयात नं स्वनिगःदुने हे गनं राजधानी लाःसा सहज जुइगुलिं नं ३ नं. प्रदेशया राजधानी आःयात भौतिक पूर्वाधार दुगु त्याखं स्वनिगः दुने हे जुइफइगु संभावना दु । प्रदेशसभाया निति यलय् च्वंगु प्रशासनिक प्रशिक्षण केन्द्र वा खपया थिमी च्वंगु कृषि विकास तालिम केन्द्र उपयुक्त जुइफइ । प्रदेशया राजधानी हेटौडा वा भ्वैत, धौख्यःपाखे यंकेफइगु तत्काल संभावना खने मदुनि ।

प्रदेशया राजनीतिनाप स्वानाच्वंगु व समुदायया सरोकारया विषय नं जुयाच्वंगु प्रदेशय् खस नेपाली भाय् बाहेक मेगु निगू भाय्यात नं संवैधानिक मान्यता बीफइगु



प्रदेशया राजधानी गन दय्केगु धइगु सवालय् स्वनिगःया वासिन्दातय् खास हे बिचाःत वयाच्वंगु खनेमदु । मेमेगु क्षेत्रय् प्रदेशया राजधानी थःपिन्थाय् दय्केमाः धकाः तानातान जुयाच्वंगु अवस्थाय् धाःसा ३ नं. प्रदेशया राजधानी थन दय्केगु धकाः सुं उम्मेदवारतय्सं नं दावी यानाच्वंगु खनेमदु ।

खः । मखु धइगु खःसा यक्व प्रदेशया नां विशेषयानाः १, ३ व ४ प्रदेशया नां छुइगुली ताःहाकः ई काय्त बेर मदु । २ नं प्रदेशया नां मधेसी पहिचानकथं तय्त थाकु मजुइफु । ६ व ७ प्रदेशया नां नं खस समुदायनाप स्वाका अःपुक तइ । ५ नं प्रदेशयात लुम्बिनी प्रदेश नामाकरण याइगु संभावना यक्व दु । तर आदिवासी जनजाति आन्दोलन सेट ब्याय्क लानाच्वंगु थ्व अवस्थाय् १ नं. प्रदेशय् लिम्बु व राई, ३ नं. प्रदेश नेवाः व तामाङ्ग अले ४ नं. प्रदेश गुरुङ्ग व मगःतय् बाहुल्यता दुसा पहिचान खनेदइकथं नां छुइत अःपु मजु ।

प्रदेशया राजधानी गन दय्केगु धइगु सवालय् स्वनिगःया वासिन्दातय् खास हे बिचाःत वयाच्वंगु खनेमदु । मेमेगु क्षेत्रय् प्रदेशया राजधानी थःपिन्थाय् दय्केमाः धकाः तानातान जुयाच्वंगु अवस्थाय् धाःसा ३ नं. प्रदेशया राजधानी थन दय्केगु धकाः सुं उम्मेदवारतय्सं नं दावी यानाच्वंगु खनेमदु । प्रस्तावितकथं यै, खप, काभ्रेया भ्वैत, धौख्यः व मकवानपुरया हेटौडा प्रदेशया राजधानीया रुपय् चर्चाय् दुसा थन हे याय्माः धकाः छुं नं दलया सुं उम्मेदवारतय्सं माग यात वा मतदातातय्सं माग यात धकाः न्ववागु मदु ।

संवैधानिक हकया उपभोग सम्बन्धी खः । संविधानं हे प्रदेशय् खस नेपाली भाय् बाहेक अनया ततःधंगु समुदायया निगू भांभाय्यात सरकारी भाय्या रुपय् मान्यता बीफइगु हक बियातःगुलिं ३ नं. प्रदेशया हकय् नेपालभाषा व तामाङ्गभाषायात प्रादेशिक भाषाया मान्यता बीत खास हे थाकुइ मखु । तर सवाल प्रादेशिक मान्यता स्वयां मातृभाषायात छ् यलाबुलाय् हय्गु हाथ्याः यक्व दु । मान्यताया निति मान्यताजक बीवं साथकंता दइमखु । स्थानीय तगिमय् नं नेपालभाषायात मान्यता बियागु घोषणा यक्व महानगरपालिका व नगरपालिकापाखें याःगु हे खः, तर उकियात कार्यान्वयन तगिमय् लागू याय्गु सवालय् यक्व पंगत दनीगु यक्वसिनं वाःचाः । गुबल्य् तक मातृभाषायात फुक्क विद्यालय तगिमय् नं ब्वनेमाःगु व्यवस्था जुइमखु, उबल्य् तक मातृभाषाया विकासं गति काइमखु । आः गुलिं नं मान्यता बिल वा ज्या जुल धइगु खः, व मात्र भाषा संरक्षणया छुं भचा ज्याजक जूगु कथं काय्छि । विद्यालय तगिमय् मातृभाषा छगू पेपर अनिवार्यकथं ब्वकेगु ब्यवस्थाया निति प्रादेशिक संसद व सरकारं यक्व भूमिका भ्तिहेफइ ।

प्रदेश नं. ३ यें जिल्ला क्षेत्र नं ८ या प्रतिनिधि सभा



रामहरि रज्जित

नेपाः राष्ट्रिय पार्टी उम्मेदवार
प्रदेशसभा क्षेत्र नं ८(क), यें ।



१. जि छम्ह नेवाः जुयागु नातां ने वाःतयगु पहिचानयात ल्यंकातयगु निति उम्मेदवारी बियागु खः । संविधान संशोधनपाखें पहिचान, जातीय, भाषिक समानता सम्बन्धन यायगु लक्ष्यलिसें थुगु प्रदेश सभाय् उम्मेदवारी बियागु खः । जि छम्ह स्वयम्सेवक जुयाः ज्या यानाच्चनाम्ह खःसा भी नेवाःतयगु हक हीत व अधिकारया निति नं जिगु उम्मेदवारी खः ।

२. चुनावय् प्रतिद्वन्दी ला दइगु हे जुल । अथे खःसां जि त्याकेगु हिसाब न्ह्यःने वनाच्चनागु दु ।

३. भीत भोट बीपिं धइगु विशेष्यानाः नेवाःत हे खः । अथे जुयाः ने वाःतयगु निति अले उमिगु भावना ज्वनाः ज्या यायगु जुइ ।

राजेश शाक्य

वाम गठबन्धनया साभा उम्मेदवार
प्रदेशसभा क्षेत्र नं ८ (क), यें ।



१. थन येंया दुनेया बस्ति, नेवाः बस्ति, नेवाः लागाय् च्वम्ह, भाषिक आन्दोलनय् जूमह, नेपाल सम्बतया आन्दोलनय् जूमह, नेवाः एकीकृत बस्तियात पहिचानलिसें सम्बर्द्धन व प्रबर्द्धन यायगु ज्या न्ह्यःचिलाच्चम्ह माः धइगु कथं जिगु उम्मेदवारी बियागु खः ।

मेगु भीगु भाषा नेपालभाषा पुलांगु भाषा खः, तर थौं कन्हय् थ्व भाषा ल्हाइपिं म्हो जुजुं वनाच्चंगु दु । थुकिया संरक्षण सम्बर्द्धन यायमाःगु आःया आवश्यकता खः । नेपाः संविधानं सरकारी ज्याखँय् छ्म प्रदेशय् स्वंगू भाषा जुइ धाःगु अवस्थाय् भीगु मांभाय् नेपालभाषायात नं सरकारी ज्याखँय् छ्यलेगु निति न्ह्यःचिलेमाःगु दु । अथेहे नेपाल सम्बत् भीगु देय्या मौलिक नापं राष्ट्रिय सम्बत् खः । थुकियात राज्य मान्यता बीधुंकल, तर व्यवहारय् छ्म यलाच्चंगु म्दु । व्यवहारय् छ्यलेगु इवलय् प्रदेश सरकार थुकियात छ्यलाबुलाय् हय्गु नापं संरक्षण व प्रबर्द्धन यायमाः ।

नेपाःयात संयुक्त राष्ट्र संघय् दुजःया मान्यता बीकेगु निति छ्यःगु भीगु मौलिक

लिपि रज्जना लिपि भीसं व्यवहारय् छ्म यलेफयाच्चंगु म्दु । थुकिया संरक्षणया नापनापं प्रबर्द्धन यायमाःगु दु । अथेहे स्वच्छ बिचाः, सुशासन, समृद्धि नेपाल, सुखी नेपाल दय्केगु अभियानयालिसें थुपिं समगै अभियानया निति यें क्षेत्र नं ८या प्रदेशसभा 'क'य् जिगु उम्मेदवारी खः ।

२. आःया अवस्थाय् प्रदेश सभा 'क'य् जिगु मू प्रतिद्वन्दी पार्टीगतकथं कायगु खःसा नेपाली कांग्रेस जुइफु । तर जिगु उम्मेदवारी बीधुंकाः जनताया दथुइ गुगु उत्साह वल, उमंग वल, अथेहे जि त्वाःत्वालय् वनाबलय् गुगु लकस दयावन, व स्वयंबलय् आःया अवस्थाय् सुं नं मदुथें च्वं ।

३. दकलय् न्हापां स्थानीय व प्रदेशकथं धायगु खःसा २०७२ सालय् ब्वःगु विनाशकारी भुखाचं विश्व सम्पदाय् लानाच्चंगु येंया दरबार क्षेत्रय् गुगु लिच्चः लाकल, यक्व सम्पदात स्यन, उकिया पुनःनिर्माण यायगु ज्याय् प्राथमिकता बीगु जुइ, अथेहे मरुसतःया पुनःनिर्माणया ज्या तत्काल न्ह्याकेगु निति पहल यायगु जुइ ।

चव्य न्ह्यथनागु प्यंगू मुहाया निति ज्या यायगु जुइ । अथेहे स्थानीय समस्यायात कयाः धायगु खःसा यें वडा ल्याः २० व १३ वडा स्वाइगु लँय् यक्व हे जाम जुयाच्चंगु दुसा उगु जाम चीकेगु निति थप पुल दय्केगु जुइ । थ्वहे इवलय् यें वडा ल्याः १९ व १५ स्वानाच्चंगु यातायाता ताँ (भोलुङ्गे पुल) लिक्क पक्कि ताँ मदया अनया जनतातय्सं यक्व हे समस्या फयाच्चंगु दु । अनं छ्म पक्कि ताँ दय्केगु निति ज्या यायगु जुइ । भीगु संस्कृति भीगु पहिचान खः । तर संस्कृतिया अवस्था स्वयगु खःसा भन्भन् न्हावनाच्चंगु दु । थुगु अवस्थाय् संस्कृति जक दया मगाः, लजगाः नं उलि हे आवश्यक जुइ । उकिं लजगाःसहितया संस्कृति प्रबर्द्धन यायमाः धइगु जिगु उद्देश्य खः, वकथं न्ह्याःवनेगु जुइ ।

राज्यलक्ष्मी श्रेष्ठ

नेपाली कांग्रेस उम्मेदवार
प्रदेशसभा क्षेत्र नं ८(क), यें ।

१. जि मिसा जूगुलिं समान अधिकारया निति जि उम्मेदवार बियागु खः । मिसा सशक्तिकरणया निति अभि नं ज्या याय् ल्यंदनि । मिसातय् आर्थिककथं समृद्ध यायगु निति न्ह्यःज्याना च्वनागु दु । मिसापिन्त आर्थिककथं सशक्तिकरण यायगु अभि छैय् च्वनीपिं मिसापिन्त विशेष्यानाः पिने वनाः ज्या यायगु ला अभि नं थाकुनि । जि खास यानाः साना घरेलु उद्योग व्यवसायी खः । उकिं छैय् छैय् हे चिचीधंगु व्यवसायत सञ्चालन याय् फइ । थुकियात संस्थागत यायगु नं खः ।

सांगठनिककथं स्वयगु खःसा राणा शासन, पञ्चायती शासन परास्त याय्धुन । भी स्वयां अग्रजपि नेता/नेतृपिन्सं यक्व हे दुःख, कष्ट, त्याग व तपस्या यानाः थौं लोकतन्त्र प्राप्त जुल । संविधानपाखें गुलि नं सुनिश्चित जूगु अधिकार दु, उकियात संरक्षण यायगुनापं उकियात कार्यान्वयन यायगु निति जिगु उम्मेदवारी खः ।

२. आःया अवस्थाय् प्रमुख प्रतिद्वन्दी नेकपा एमाले वःगु खनेदु । चुनावय् सुयात नं चिधंगु कथं काय मज्यू ।

३. थुगु क्षेत्रय् लाःगु न्यागू वडा नं सांस्कृतिककथं महत्वपूर्ण जू । सांस्कृतिक सम्पदा यानाः भीगु पहिचान दयाच्चंगु खः । थुकियात संरक्षण सम्बर्द्धन नं याना वनेगु जुइ । थुकियानाः हे भीगु पर्यटन व्यवसाय च्वन्त्याना वनीगु खः । थौं थ्व किचलय् लानाच्चंगु दु । थुकियात न्ह्यःने यंकेगु जिगु लक्ष खः । मुख्यतः हनुमानध्वाखय् गुलि नं पुनःनिर्माण जुइमाःगु देगःत दु, व पुनःनिर्माण मज्जनि । निगू स्वंगू देगः ला पुनःनिर्माणया निति पहल यानागु दु । जिगु थासं न्ववाय् माःथाय् सः नं तयागु दु । मरुसतः दय्केमाःगु दु । तर थ्व सरकारं हे दय्केमाः । जनसहभागिता दइगु बांलाःगु खः, तर याःगु ज्या बांलाः वा बांमलाः, याः वा मयाः धकाः 'वाचडग'या रूपय् भीगु भूमिका जुइमाः ।

भीगु संस्कृति, सम्पदाया संरक्षण व प्रबर्द्धन यायमाःगु दु । थन हनुमानध्वाखाय् भीगु पर्यटन व्यवसायस तःधंगु क्षति जुइधुंकल । गुलि नं पर्यटकत वय्माःगु दु, व फुक्क 'क्यान्सिल' यानाच्चंगु दु । तन चाःहिकेगु ज्याइवः हे मतय् धुंकल ।



थ्व ला आर्थिककथं तःधंगु घाटा खः । जि थुगु क्षेत्रय् प्रबर्द्धन याना यंकेगु लक्ष कयागु दु ।

अथेहे भीसं स्थानीय श्रोत साधनयात प्राथमिकता बी फयाच्चंगु म्दु । विष्णुमति विषयस नं सदनय् न्ववाना । मन्त्रीलिसे लिसे नं पवना, खुसिया सरसफाइ, पःखाः दय्केगु यक्व हे पहल नं याना ।

थन मिसा व युवातय् उद्योगय् आकर्षित यानाः व्यवस्थापन याना यंकेगु जिगु मू आजु खः । थुगु लागाय् लाःगु न्यागुलिं वडाया जल्दोबल्दो समस्यायात ज्याका यंकेगु निति पहल यायगु जुइ ।

मनरत्न शाक्य

संघीय समाजवादी फोरम नेपाल उम्मेदवार
प्रदेशसभा क्षेत्र नं ८(क), यें ।



१. नेवाः प्रदेशया निति हे जिगु उम्मेदवारी खः । पहिचान व अधिकार या निति न्ह्यानाच्चंगु संघीय समाजवादी पार्टी जूगुलिं थुकिया सः प्रदेश सभाय् वनाः तयगु लिसें प्रदेशया नां नामाकरण याकेगु निति नं जिगु उम्मेदवारी बियागु खः ।

२. थुगु चुनावय् नेपाली कांग्रेसपाखें प्रदेशसभाय् उम्मेदवार बियादीम्ह र राज्यलक्ष्मी श्रेष्ठ मू प्रतिद्वन्दी कथं खनाच्चना ।

३. भीगु भाषिक समान अधिकारया निति, भीगु नेपालभाषा प्रादेशिक भाषाकथं छ्यय्के बीगु निति पहल यायगु जुइ । मेगु प्रदेशया विकास यायगु सम्बन्धय् प्रादेशिक हक अधिकारत सुनिश्चित याकेगु ज्या जुइसा सरकारं बियातःगु अधिकारत अभि नं मगाःनि । मेमेगु अधिकार नं सुनिश्चित याना यंकेगु निति बः बीगु जुइ । अथेहे थुगु प्रदेशया विकास यायगु गथेकि औद्योगिक क्रान्ति, कृषि क्रान्ति लिसे खेलकूदया विकास यायमाल । थाय्थासय् लँया अवस्था नाजुक जुयाच्चंगु दुसा थजाःगु खँय् नं ध्यान बीगु जुइ ।

भा व प्रदेश सभाया उम्मेदवारपिनिगु प्रतिबद्धता

जीवनराम श्रेष्ठ

वाम गठबन्धनया साभा उम्मेदवार, प्रतिनिधि सभा क्षेत्र नं ८, येँ।

१. जि वाम गठबन्धनया मंका: उम्मेदवार खः। दकलय् महत्वपूर्ण खँ धइगु वाम गठबन्धन हे छाये दय्कल धइगु खः। बहुदलीय व्यवस्था वय्छुका: २६दँतक नं रजनीतिक स्थिरता वय्छुका: गुगु मडु। थ्वहे कारण देश भताभुङ्ग जुयाच्वंगु, विकास गुगु गति जुइमा:गु खः, व जुइ फ्याच्वंगु मडु, सामाजिककथं स्वयं गुगु खः। अस्तव्यस्त जुल, गरीबी जक जुयावन। उकिंयाना: जनताया चाहाना धइगु नं स्थिरता वय्छुका: मडु, न्यादँतक छू हे बहुमतया सरकार वय्छुका: मडु, भौगु देश नं आर्थिक समृद्धिपाखे न्हयज्याय् माल धइगु खः। राजनीतिक अधिकार ला वय्छुका: मडु, तर आर्थिक समृद्धिपाखे न्हय:वने मफुगुलं जनताया चाहानाकथं हे 'वाम गठबन्धन' जूगु खः। नेकपा एमालेया नेतृत्व गुगु एकता न्हय:गु दु, थुकिं देशय् राष्ट्रियता, सामाजिक सद्भावयात अफ

बालाकेत व लोकतान्त्रिक गणतान्त्रिक नेपालया संविधान दय्छुका: थुकियात प्रभावकारी ढंगं कार्यान्वयन याना यंकेगु खः। नापं भौगु देश आर्थिककथं समृद्ध याय्मा:गु दु। थ्व एजेण्डा ता:लाकेगु नितिं वामगठबन्धन दय्छुका: खः। थ्वहे इवलय् बहुमत हय्गु नितिं वाम गठबन्धनया मंका: उम्मेदवारकथं जिं उम्मेदवार बियागु खः। स्थिरताया नितिं, समृद्धिया नितिं जिगु उम्मेदवारी खः।

मेगु थुगु क्षेत्र ७० प्रतिशत स्वयां अप्ठ: नेवा:त दुगु क्षेत्र खः। थुगु लागाय् नेवा: संस्कृति, पुरातात्विक, ऐतिहासिक सम्पदाया ल्याखं थ्व राजधानी खः धा:सा ज्यू। थ्व क्षेत्र नेपा:यात, समाजयात म्हासीकीग गुगु जाति, भाषा, संस्कृति, परम्परा दुगु थाय् खः। थुकियात संरक्षण सम्बर्द्धन याय्मा:गु दु, थुकिया नितिं जिगु

उम्मेदवारी खः।

अथेहे मांभाय्सरकारी ज्याखँय् छु यलेगु नितिं गुगु मान्यता बी धुंक्गु दु, तर थुकियात छयलीगु खँय् प्रभावकारी ढंगं न्हय: वनेफूगु मडु। नगरपालिकाय् ने कपा एमाले त्याय्छुका: नेपालभाषायात कामकाजया भाषाकथं छयलेगु क्व:छी धुंक्गु दु। तर थुकिया कार्यान्वयन प्रभावकारी ढंगं जुयाच्वंगु मडु, थ्व ज्या ता:लाकेगु नितिं जिगु उम्मेदवारी खः।

मेगु कासाख्यलय् थ: दुगुलिं मनूतय्गु स्वास्थ्यया नितिं अथेहे स्वस्थ मनू दय्के गु नितिं कासाख्य:यात व्यवस्थित याय्गु व कासाख्य:या माध्यमं कासामिपिनिगु भविष्य सुनिश्चित याय्गु नितिं मा:कथंया ऐन कानून हय्गु नितिं नं थ्व जिगु उम्मेदवारी खः।

२. धात्ये थाय्गु ख:सा थ्व क्षेत्र

वामपन्थीया आधार क्षेत्र खः। थुगु क्षेत्र बहुसंख्यक नेवा:तय्गु बसोबास दुगु क्षेत्र खः। थन वामपन्थी तालमेलकथं जिं उम्मेदवार, संघीय समाजवादीपाखे नं समर्थन दयाच्वंगु नापं नेवा:तय्गुपाखे नं समर्थन दयाच्वंगु दु। जिगु उम्मेदवार यात कया: गुगु उत्साह खनेदयाच्वंगु दु, आ:या अवस्थाये जिं प्रमुख प्रतिद्वन्दी खनाच्वनागु मडु।

३. प्रतिनिधिसभा जि वनधा:सा विशेषयाना: संघीय लोकतान्त्रिक गणतान्त्रिक नेपा:या संविधान घोषणा याय्छुका:गु दु, उगु संविधानयात व्यवहारय् कार्यान्वयन याय्गु नितिं जिगु मू भूमिका दइ। अभ नं यक्व ऐन कानून दय्केमानी। जनपक्षीय ऐन कानून दय्केगु नितिं, अथेहे प्रदेश, स्थानीय तहलिसें लोकतन्त्र बल्लाके गु नितिं व जनताय् स्थापित याय्गु नितिं



प्रतिनिधिसभाय् जिगु भूमिका जुइ।

भौगु स्वनिगः, येँया म्हासीका धइगु भौगु संस्कृति, ऐतिहासिक सम्पदाया संरक्षण व विकास याय्गु नितिं भूमिका म्हिते गु जुइ। अथेहे कासाख्य:यात 'स्वास्थ्यया नितिं खेलकूद, राष्ट्रया गौरव थकाय्गु नितिं खेलकूद' धइगु नीति नाला: फुक्क नागरिकयात खेलकूदय् संलग्न याना: स्वस्थ नागरिक दय्केगुकथंया ऐन कानून हया: ब्यापककथं कासाया नितिं पूर्वाधार तयार याना: छगू गौरवया क्षेत्रकथं विकास याय्गु जिगु लक्ष खः।

मनोज नेवा: खड्गी

जनसमाजवादी पार्टी, नेपाल व नेकपा (माले) उम्मेदवार प्रतिनिधि सभा क्षेत्र नं ८, येँ।

१. भौगु थाय् भीसं त्यका तय्मा:। आ:तक भीसं थन त्याका छव्यापिन्सं थन छुं या:गु खनेमडु। काग्रेसया उम्मेदवार निक्क:तक सांसद जुल, मन्त्रीतक जुल, तर विश्वसम्पदाया गुगु अवस्था जुयाच्वंगु दु, उकिया नितिं छुं नं मया:। अथेहे लै, खुसि आदियात कया: गुगु ज्या याय्मा:गु खः, उकी ध्यान ब्यूगु मडु। सांसद कोषपाखे थ: मनूत, कार्यकर्तापिन्त जक इनेगु ज्या जुल।

आधिकारिककथं राज्यया श्रोतय् पहुँच दुम्ह ला सांसद हे खः। भुखाय् ब्व:गु इलय् छुं नं मस्व:। तत:धंगु पार्टीया नेतात थ:गु थासय् थ्यनेछुका: छुं नं ज्या मयाइगु प्रवृत्ति दु। नेवा:त नं नेतृत्व याय्त म्या:। न्हय:ने वनीगु नं मखु, तत:धंगु पार्टीया ल्यूल्यु जक वनीगु, थुकिया अन्त्य याय्गु नितिं नं जिं उम्मेदवारी बियागु जुल।

जि छम्ह सामाजिक क्षेत्रय् क्रियाशील जुयाच्वनागु, पहिचानया आन्दोलनय् ल्वानाच्वनागु, थ:गु थाय् दय्केमा: धका: न्हयज्याना च्वनाम्ह खः। थन मनूत राजनीतिककथं हे न्हय:ने मर्वक छुं याय् फइमखु।

थुगु क्षेत्रय् निगू विश्वसम्पदा लानाच्वंगु दु। उकिया संरक्षण सम्बर्द्धन याय्गु नितिं जिगु उम्मेदवारी खः। अले येँया 'कोर एरिया'य् च्वंगु सतक विस्तारया नामय् स्थानीयबासिन्दातय् विस्थापित याय्गु ज्या जुयाच्वंगु दु, उकियात पनेगु नितिं खः। खुसिया अवस्था बांमला:। अथेहे थन च्वपिनिगु आयस्तर तसकं न्यून जुयावनाच्वंगु दु, उकिया नितिं लजगा:या व्यवस्था याय्गु गथेकि महानगरपालिकां उलिमछि धेबा म्हायाच्वंगु दु, कर्मचारीत पोसे याय्गु ज्या जक जुयाच्वन। व थासय् स्थानीय मनूतय् लजगा: बीमा: धइगु सहमति खः, व कार्यान्वयन याय्त नं खः।

गल्लि गल्लिइ एम्बुलेन्स दुहांवनेगु स्थिति मडु, लैया सुधार याय्मा:गु दु। लै सुधार याय्गु नामय् लै तब्बा: याय्गु मखु, उकियात व्यवस्थित याना यंकेगु योजना दु। अथेहे राज्यसत्ताय् नेवा:तय्गु नं पहुँच



दय्केगु नितिं जिगु उम्मेदवारी खः।

२. नेपाली कांग्रेसया उम्मेदवार नवीन्द्रराज जोशी जक प्रमुख प्रतिद्वन्दी खः।

३. थन निगू विश्वसम्पदा लानाच्वंगु दु। थुकिया पुन:निर्माण व पुन:संरचनाया नामय् गुगु कमिशन नय्गु ज्या जुयाच्वंगु दु, उकियात बन्द याय्गु जुइ। भित्री शहरय् भुखाचं स्यंगु छैया निर्माण सम्पन्न याकेगु नितिं राज्यपाखे बीमा:गु ग्वाहालि, सुविधाया नितिं पहल याय्गु, लैया सुधार याय्गु नामं दय्केगु व ल:या समस्यायात ज्यंकेगु नितिं पहल याय्गु जुइ।

भौगु क्षेत्रय् यक्व हे ल्वहीहित दु, व फुक्क सुनावनाच्वंगु दु। लोकह्वा:गु क्वहिंति, मरुहिंति लिसें थीथी ल्वहीहित दु, अन ल: वय्केगु व उकियात मुंका: ल:या समस्या म्हो याय्गु नितिं ज्या याय्गु जुइ। अथे ला उगु हितिइ ल: हायाच्वंगु गुलि बांला: खनेदइ।

अथेहे मनूतय्गु लजगा:या नितिं पहल याय्गु जुइ। संसदय् राज्यपक्षं मखुगु खँ या:सा उकिया नितिं स: तय्गु जुइ। जि छम्ह येँ शहरयात जक मखु, समग्र क्षेत्रया प्रतिनिधित्व याइगु जूगुलिं थनया फुक्क समस्या ज्यंकेगु जिगु दायित्व नं खः। विशेषयाना: थुगु क्षेत्रय् दुगु संस्कृति, सम्पदात ल्यंकातय्गु व प्रबर्द्धनया नितिं ज्या याय्गु जुइ।

नविन्द्रराज जोशी

नेपाली कांग्रेस उम्मेदवार, प्रतिनिधि सभा क्षेत्र नं ८, येँ।

१. थ्व लोकतन्त्रया आन्दोलन नेपा:या जनतापिन्सं यात। वि.सं. २०४६सालय् शिखर पुरुष गणेशमान सिंहया नेतृत्वय् लोकतन्त्रया स्थापना यात। थ्व संविधान लोकतन्त्रया स्थायित्वया नितिं कार्यान्वयन नं जुयाच्वंगु दु। छगू छु धा:सा थ्व मूलभूत शासन हे लोकतन्त्र जुइ धका: जिमिसं निर्णय याना। आ: विशेषयाना: वामगठबन्धन व्यवस्था हे परिवर्तन याय्मा:, न्हय:गु नं परिवर्तन जुइफु धइगु खँ वल। थ्व छगूकथं लोकतन्त्रया हे अ:ख: जूवनीगु जुल थन। मूखँ लोकतन्त्र बचे याय्माल, लोकतन्त्र स्थायीत्वया नितिं याय्माल।

मूलभूत शासन लोकतन्त्र खः धका: माने याय्छुका:गु अवस्थाय् संविधानय् हे मूलभूत शासन लोकतन्त्र खः धका: धाय्छुका: उकियात कया: विवाद याय्मज्यू धइगु खँ ज्वना: उम्मेदवारी बियागु खः।

निगूकथं इमान्दारीपूर्वक राजनीतिइ न्हयज्याय् मा:। विचारय् प्रष्टता मा:, राजनीतिइ इमान्दारीता मा: धका: धया वयाच्वनागु खः। अथेहे जनता व जनप्रतिनिधि दथुइ स्वापू गथे जुइमा: धाय् बलय् जिगु विचारय् पारिवारीक स्वापू दय्मा:। भीसं जनतापिंपाखे शक्ति काय्गु खः धइगु जिगु विचा: खः। उमिपाखे हे शक्ति कया: थ:गु पार्टीइ व संसदय् गथेयाना: बांलाक्क खँ तय्गु खः धइगु जिगु मान्यता खः, वह कथं ज्या यानाच्वनागु दु। अथेहे इमान्दारीपूर्वक निर्णय याय्गु नितिं शक्ति बीमा: धका: सकसिके आशीर्वाद कयाच्वना।

२. चुनाव खः, जनतां हे निर्णय याइगु खः। जनतापिन्सं याइगु निर्णययात हे माने याय्गु खः। थ्वहे धइगु मडु।

३. स्थानीय भाषा, संस्कृति, गाजाबाजा, सम्पदा तसकं महत्वपूर्ण खः। थुकिया नितिं सांसदकोषपाखे नं भचाभचा ग्वाहालि बीगु ज्या जूगु खः। मुख्य ला फुक्कसिया शिक्षा व स्वास्थ्यय् पहुँच दय्मा:। गुणस्तरीय शिक्षा काय् दय्मा:। सामुदायिक विद्यालयसं शिक्षाया गुणस्तर



थकाय्मा: धइगु खः। भ्र(िथाय् ल:या समस्या दु, ध:या समस्या दु, आ: वइगु न्यादँया दुने ल:, ध:, सतकया पूर्वक हे समस्या समाधान याय्गु धइगु जिगु योजना खः।

अथेहे उद्यमी मिसापिनिगु नितिं स्वरोजगार व ल्याय्म्हतय्गु नितिं लजगा:या व्यवस्था गुकथं व्यवस्थापन याय्फइ धइगु नीति हय्त कुत: नं यानागु खः। लजगा:या नितिं बन्द जुयाच्वंगु फुक्क कलकारखाना चाय्केमा: धयाकथं ज्या यानागु खः। उगु कारखानाया नितिं छगूकथं प्रतिबद्धता नं वय्छुका:गु खः। जिं हिसाव याना, २८ खरब दां लगानी जूसा, इमान्दारीपूर्वक राजनीति जूसा भिदँया दुने फुक्क ल्याय्म्हपिन्त लजगा:या व्यवस्था याय्त फइ।

लोकतन्त्रया मुद्दा, न्हगु मान्यताया मुद्दा, स्थानीय समस्या सहमतिकथं वनेमा:गु खः, तर १४दँ तकया अवस्थाय् आ:तक बांला:गु अवस्था मडु। सरकारं छुं याय्फइमखु, पफुक्क नगरपालिकाया योजना खः। जिं छु धाय् धा:सा निदँया ई बिया: महानगरपालिकायात बांलाक्क ज्या याकेब्यू। यदि बांला:सा पाय्छि हे जुल। मखुसा सरकारं विशेष योजना धका: हया: अनया समस्या ज्यंकेगु, विकास याय्मा:।

यु-१९ एसिया कप छनोट कासा लुमंकेबहःगु नेपाःया प्रदर्शन



प्रतीत शाक्य

एसियाली स्तरया फुटबल्यु नेपाःया सिनियर टिमपाखें गबलें आशा काःगु खनेमदु । एसियाया तःधंगु टिम व नेपाःया फुटबल स्तर्यु अझ नं यक्व हे 'ग्याप' दनि । थुगु वालयु क्वचाःगु एएफसी यु-१९ एसिया कप छनोट कासाया 'ए' पुचल्यु थ्व हे साबित जुल ।

एएफसी यु-१९ एसिया कपया निति न्यागू टिमया भिगू पुचः दयुकाः ल्यज्या कासा म्हितकूगु खः । गुकी समूह विजेतया नापनापं थीथी पुचःया उत्कृष्ट न्यागू उप-विजेता पुचःयात नं यु-१९ एसिया कपया निति ल्ययगु प्रावधान तयातःगु खः । अथेहे इण्डोनेसिया धाःसा ग्वसाः खलःया ल्याखं स्वतः ल्यःगु खः ।

नेपाः 'ए' पुचल्यु लाःगु खः, गुगु पुचल्यु संयुक्त अरब इमिरेट्स, बहराइन, ओमान, किर्गिस्तान दुथ्यानाच्वंगु खः । थुगु प्यंगु हे देश एसियाली फुटबल्यु नांजाःगु देयु खः । प्रशिक्षक छिरिङ लोप्साङ्ग एसिया कपयु छनोट जुइगु लक्ष्य दु धाःसां नं नेपालं थुगु पुचः पार याइ धइगु खँय सुना नं विश्वास मयागु खः । सन् २००८निसें न्ह्याःगु एसिया यु-१९यु आःतक नेपालं छक्कः हे जक त्याकूगु दु । सन् २०१०यु यँया दशरथ रङ्गशालायु जूगु कासायु किर्गिस्तानयात बुकेधुंकाः नेपालं मदिकक भिगू कासायु पराजय फय्माःगु खः ।

अथेखःसां नेपालं थुगु देशयात तसकं हाथ्याः बी व म्होति नं छगू कासा त्याकी धइगु अपेक्षा फुक्कस्यां याःगु खः । थथे बिचाः याइगु स्वभाविक नं खः । वंगु

महिनायु जक नेपाः थुगु उमेर पुचल्यु 'साफ च्याम्पियन' जुयाः एसिया कपया छनोट कासा म्हितेत योग्य जूगु खः । अझ धायूगु खःसा नेपालं उगु उपाधिया रक्षा तर्क याःगु खः । उमेर पुचल्यु नेपालं तःधंगु देशयात न्हापा नं हाथ्याः मब्यूगु मखु । अझ नेपालं निदैं न्ह्यः किर्गिस्तानयु हे जूगु एएफसी यु-१९ छनोट कासा म्हितूगु खः । उगु इलयु म्हितूपिं अप्वः धइथें कासामित हे थुगुसिया यु-१९ टिमयु दुगु खः । नेपाःया कासामित किर्गिस्तानया लकस व कासाख्यःलिसे चिरपरिचित जुयाच्वंगु खः । गुकि कासायु नेपाःया निति ग्वाहालि जुइगु विश्वास काःगु खः ।

तर किर्गिस्तानया यात्रायात नेपाःया फुटबल्यु 'ताःमलाःगु यात्रा' कथं लुमना च्वनी । नेपाः गुकथं कासां

युएइलिसे बुइवं नेपाःया जहाज अन्तिम कासा म्हित न्ह्यः हे दुन । युएइलिसेया कासापाखें नेपाःया पुचःया मनोबल थाहां वनेमाःगु खः ।

पिहां वन, व ल्वमंकेबहःजू । नेपालं प्यंगू कासायु मुक्कं १२गू गोल नल, तर छगू नं गोल यायूमफुत । थुगुसी नेपालं कासा त्याके मफूगु जक मखु, ल्या कायगु नापं छगू हे गोल तर्क यायूमफूगु खः ।

न्हापांगु कासायु नेपाल ग्वसाः देयु किर्गिस्तानलिसे निगू गोलं बूगु खः । घरेलु पुचः बिरुद्ध नेपालं शुरुया २० गू मिनेट नियन्त्रणयु तःगु खः, तर गोल धाःसा किर्गिस्तान यात । व लिपा नं टक्कर ब्यूगु नेपालं इन्जुरी इलयु गोल नयमाल । बहाराइन बिरुद्धया निगूगु कासायु नेपाः ४गू गोलं बुत । थुगु कासा बुइवं हे नेपाल एसिया कपयु छनोट जुइत थाकूगु खः । थुगु कासाया अन्तिम इलयु नेपाःया दिनेश हेम्जानं ह्याउँगु कार्ड नयमाल ।

संयुक्त अरब इमिरेट्स थुगु पुचःया दकलयु बल्लाःगु विपक्षी खः । तर थुगु कासायु धाःसा नेपाःया प्रदर्शन



तुलनात्मककथं बांलात । कासाया ७१गूगु मिनेटयु खलफान हसन अल हमदीं याःगु गोलं जक कासायु छिनोफानो जूगु खः । थुगु कासायु नेपालयात गोल यायूगु ह्वःताः चूमलाःगु मखु, तर अभिषेक रिजालं पेनाल्टीया सदुपयोग यायूमफुत ।

युएइलिसे बुइवं नेपाःया जहाज अन्तिम कासा म्हित न्ह्यः हे दुन । युएइलिसेया कासापाखें नेपाःया पुचःया मनोबल थाहां वनेमाःगु खः । ओमानलिसेया कासायु नेपाःयात दबाब नं मदुगु खः । अथेखःसां नेपाः ओमानलिसे ५गू गोलया अन्तरं बुत ।

धाइ, उमेर पुचल्यु लिव्वः स्वयां प्रदर्शनयात स्वयु माः । थ्व फुटबल कासामितयुत अनुभव याकाः परिस्कृत

यायूगु ई खः । नेपाःया उमेर पुचल्यु अप्वः धइथें एन्फा एकेडेमिया कासामितयुगु हे बर्चश्व दइगु खः । आः पिने देशयु थें 'ए' डिभिजनया क्लबं एकेडेमि चायुकेगु तसकं हे आवश्यक जुइधुंकूगु दु । नेपाःया फुटबल पूर्वक हे व्यावसायिक मजुनिगु अवस्थायु क्लबतयुत एकेडेमि चायुकेत आर्थिककथं बोझ धाःसा जुइफु । थ्व हे सन्दर्भयु छु धायुफइ धाःसा एन्फा निश्चित धेबा बियाः जिल्ला, जिल्लायु अथवा शीर्ष डिभिजनया क्लबयात एकेडेमि चायुकेत ग्वाहालि यायुफइ । शीर्ष क्लबं नं थुकियात थःगु जिम्मेवारीकथं कायुमाःगु ई वयुधुंकूगु दु । थथे जूसा नेपाःया उमेर पुचःया टिम सायद थ्व स्वयां नं बांलाइगु खः ।



**१ लाख मन्दा घेरै ग्राहकहरुले रुचाएको
RBB Mobile Banking अब बनेको छ Smart !**



SMS र Internet दुबै बाट चल्ने



आफ्नो खाताको हरपल जानकारी लिने सरल तथा सुरक्षित माध्यम



RBB को कुनै पनि खाताका साथै अन्य ४०+ बैंकहरुमा मोबाईलबाटै रकम स्थानान्तरण गर्न सकिने




NTC/Ncell को Topup मा पाउनुहोस् २% छुट



आफु नजिकको शाखा तथा ATM म्याप हेरी तुरुन्तै पत्ता लाग्नुहोस्



घरमै बसी गर्नुहोस् Dish Home तथा अन्य थुप्रै सुविधाहरुको Payment



Rastriya Banijya Bank Ltd.
Central Office Singhadurbar Plaza, Kathmandu
Tel: (977-1) 425-2595
Fax: (977-1) 425-2931
E-mail: complain@rbb.com.np

लागू पदार्थ सेवन, गयो अमूल्य जीवन । हाम्रो चाहना, लागू पदार्थ रहित समाजको सिर्जना । असल साथीले लागू औषध खान आग्रह गर्दैन ।

लागू पदार्थ सेवन, वन अमूल्य जीवन । भीगु चाहना, लागू पदार्थ रहित समाजया सिर्जना । भिंम्ह पासां लागू औषध छ्यलेत इनाप याइमखु ।



**नेपाल सरकार
सूचना तथा सञ्चार मन्त्रालय
सूचना विभाग**



Sweet Cave

(जीवन दाईया पसः)

Kalimati, Kathmandu, Nepal

Tel: 4275511, 9741112777, 9851063000

यहाँ भोज तथा पार्टीहरुको लागि चाहिने स्पेशल दही, पनिर, लाखामरी, लालमोहन, बर्फी, रसबरी तथा अरु विभिन्न परिकारका मिठाईका लागि सम्पर्क राख्नुहोस् ।

आउटडोर भेज क्याटरिङ पनि गरिन्छ ।

मिसा नेतृत्व बिकास तालिम क्वचाल

यैँ । बालकुमारी महिला समाजया ग्वसालय् ‘मिसा नेतृत्व विकास व उद्घोषण’ प्रशिक्षण ज्याइव: जुल । फिन्हुतक न्ह्याःगु उगु तालिमय् सहभागी जूपिन्त कम्यूनिटी सर्भिस डाइरेक्टर अफ रोटरी क्लब नापं इण्डिजिनियस टेलिभिजनया ज्याइव: न्ह्याकामि श्रीजया शाक्य प्रशिक्षण बियादीगु खः ।

प्रशिक्षण ज्याइवलय् ब्वति कयादीपिन्त मूपाहांकथं भायादीम्ह थिमि नगरपालिका वडा ल्याः ४या नायः कुमार श्रेष्ठ दसिपौ बियादीगु खः । वंगु ने.सं. ११३८ कछलाथ्व अष्टमिनिसें न्ह्याःगु उगु प्रशिक्षणय् मुक्कं निम्ह प्रशिक्षार्थीपिन्सं ब्वति कयादीगु खः ।

ख्वप सुनचाँदी व्यवसायी संघया प्यक्वःगु दैमुँज्या क्वचाल ।



यैँ । ख्वप सुनचाँदी ब्यवसायी संघया प्यक्वःगु दै मुँज्या ख्वपया जगातिइ छगू ज्याइवःया दथुइ जगू दु । मूपाहां नेपाल सुनचाँदी व्यवसायी महासंघया नायः मोहनकुमार विक नं ज्याइवःया उलेज्या यानादीगु खः । वय्कलं लुँ व्यवसायीपिनिगु नितिं अलग्ग हे सरकारी ऐन नीति मदुगु हुनिं व्यवसायीत मारय् लानाच्वंगु खँ न्ह्यथनादिल । थ्वहे इवलय् ‘रत्न पत्थर वर्गिकरण व पहिचान’या फिन्थान्हुतक जगु प्रशिक्षण ज्याइवलय् ब्वति कयादीपिन्त मूपाहांपाखें दसिपौ नं लःल्हानादीगु खः । ख्वप सुनचाँदी व्यवसायी संघया नायः पद्मसुन्दर शाक्यया सभाध्यक्षताय् जगु उगु ज्याइवलय् नेपाल सुनचाँदी व्यवसायी महासंघया केन्द्रीय पदाधिकारीपिं, सल्लाहकारलिसें यैँ, यलया नायःपिं, थीथी जिल्लाया प्रतिनिधिपिं, नेपाल उद्योग बाणिज्य महासंघया प्रतिनिधि, रत्नपत्थर विज्ञ अथेहे स्थानीय प्रतिनिधिपिनिगु ब्वति दुगु खः ।

‘ललितपुर विकासका लागि समाज’या ११क्वःगु दैमुँज्या

यैँ । यलया थीथी ऐतिहासिक सम्पदा, बौद्ध विहारया पुनःनिर्माणय् सक्रिय ‘ललितपुर विकासका लागि समाज’या ११क्वःगु दैमुँज्या जुल । १०दँ न्ह्यःनिसें भारतीय राजदुतावासया ग्वाहालि कयाः यलया



ऐतिहासिक सम्पदा, बौद्ध विहारया पुनःनिर्माणया ज्याय् सक्रिय जुयावयाच्वंगु उगु समाजं थःगु ५गू करोडया नियमित बजेटयात थुगुसी २८गू करोड ७गू लख बजेट प्रस्तावित याःगु दु । ज्याइवलय् समाजया नायः बुद्धिराज बज्राचार्य उगु बजेट न्ह्यब्वयादीगु खः।सा प्रस्तावित योजनाय् हिरण्यवर्ण महाविहार, गुईत बही व दीगी, नापीचन्द्र महाविहार, कुमारी छैं, गोपीचन्द्र महाविहार, जेष्ठवर्ण महाविहारलिसेंया बौद्ध विहार, थीथी फल्चा व देगःया पुनःनिर्माण दुथ्याः ।

उगु दैमुँज्याय् नेपाःया नितिं भारतीय राजदूत मञ्जिभ सिंह पुरी मूपाहांकथं भायादीगु खः।सा उगु ज्याइवःस सल्लाहकार परिषद्‌या नायः रामलाल श्रेष्ठ, अम्बिका श्रेष्ठ, मानार्थ दुजःपिं एनआरएनया संस्थापक नायः उपेन्द्र महतो व पुरातत्व विभागया महानिर्देशक भेषनारायण दाहालं नुगःखँ तयादीगु । ज्याइवलय् सभासद चन्द्र महर्जन, सिद्धिलाल सिं, पूर्व प्रधानसेनापति रुकमांगत कटवाललिसें थीथी समाजया प्रतिनिधिपिनिगु उपस्थिति दुगु खः ।

सूचना विभागया ‘सेवाकालीन पत्रकारिता तालिम’



यैँ । थीथी सञ्चारमाध्यमय् आवद्ध सञ्चारकःमीपिनिगु क्षमता अभिवृद्धिया नितिं सूचना विभागया ग्वसाः व नेपाल पत्रकार महासंघ, यल शाखाया संयोजनय् ३न्हूया सेवाकालीन पत्रकारिता तालिम ज्याइवः क्वचाःगु दु ।

उगु प्रशिक्षण ज्याइवःया उलेज्या मूपाहां सूचना तथा सञ्चार मन्त्रालयया सचिव केदारबहादुर अधिकारी यानादीगु खः । उलेज्या यानादिसें अधिकारी सूचना प्रवाहया प्रभावकारीतायालागि अन्तराष्ट्रिय स्तरया प्रतिष्ठान दय्केगु सोच विकास जु्याच्वंगु जानकारी बियादिसें देय्या ४गूगु अंग स्वशासित जुइगु हुनिं समयसापेक्ष आचारसंहिताया परिमार्जन आवश्यक जगु, उकिनं प्रादेशिक स्वरूपय् जुइगु भाषिक पत्रकारिताया

सवालय् ज्या याय्माःगु खँ न्ह्यथनादिल ।

ज्याइवलय् सूचना विभागया महानिर्देशक बीर बहादुर राई विभागपाखें जुयाच्वंगु गतिविधिया जानकारी बियादिल । ज्याइवलय् पत्रकार महासंघया केन्द्रीय दुजःनापं यल कचाया निवर्तमान नायः ज्ञानप्रसाद पौडेलं स्वन्हुतक जुइगु तालिमया तातुना व प्रशिक्षण तालिमयात कयाः न्ववानादीगु खः मू प्रशिक्षक आचार्यलिसें वरिष्ठ पत्रकार एवं नागरिक दैनिकया सम्पादक गुणराज लुँइटेल, गोरखापत्रया पुर्लाम्ह सम्पादक पुष्करभक्त माथेमा, वरिष्ठ पत्रकार शिव गाउँले प्रशिक्षण बियादीगु खः ।

पत्रकार महासंघ यल कचाया छ्याञ्जे सविन शर्मा न्ह्याकादीगु ज्याइवलय् लसकुस प्रशिक्षक सुरेष् आचार्य बियादीगु खः । थीथी पत्रपत्रिका, अनलाईन व टेलिभिजनय् आबद्ध ४०म्ह मल्याक सञ्चारकःमिपिन्सं उगु तालिमय् ब्वतिकाःगु खः । स्वन्हुतक न्ह्याःगु पत्रकार सेवाकालिन तालिमय् डा. सुरेश आचार्य मिडिया प्रविति, गुणराज लुईटेलं सत्य तथ्य समाचार, पुष्कर माथेमां भाषा सम्पादन व शिव गाउँले आचार संहितायाबारे प्रशिक्षण सेनादीगु खः।सा सकसित सुचना विभागया महानिर्देशक बीरबहादुर राई व मू प्रशिक्षक डा. सुरेश आचार्य दसिपौ लःल्हानादीगु खः ।

थक्वातं न्ह्यात “ नेवाः बस्ती नेवाः एफएम प्रतिभा अभियान”



यैँ । नेवाः वस्ती नेवाः एफएम प्रतिभा अभियान वंगु शनिवाःनिसें स्वनिगलय् न्हापांखुसि मानव वस्ती जगु लाग्ना कथं नालातःगु थक्वातं न्ह्याःगु दु । नेवाः एफ एम १०६.६ मेगाहर्जया संयोजनय् नेवाःतय्गु वस्ती-वस्तीइ वना अनया नेवाःतय्गु प्रतिभा न्ह्यब्वय्गु नापं स्थानीय समस्यानिसें ऐतिहासिक नापं सांस्कृतिक व थीथी पक्षयात विश्वय् थ्यंकेगु आज्जु तयाः उकथंया अभियान न्ह्याकगू खः ।

उगु ज्याइवः थक्वाःया ऐतिहासिक लाग्ना “झ्यालं फल्चा”य् हलिं नेवाः गुथि थक्वाः कचा, हलिं नेवाः गुथि थानकोट कचा, हलिं नेवाः गुथि सोनितपुर कचा व श्री आदिनारायण भजन मण्डलया मंकाः ग्वसालय् जगु खः । हलिं नेवाः गुथि थक्वाः कचाया नायः महेश्वर श्रेष्ठया सभाध्यक्षताय् जगु उगु ज्याइवलय् नेवाः एफए(मया प्रवन्ध निर्देशकलिसें नेवाः पत्रकार राष्ट्रिय दब्या केन्द्रीय नायः श्रीकृष्ण महर्जनं लय् लय् पतिकं दकलय् लिपांगु शनिवाः थीथी नेवाः वस्तीइ वनाः नेवाः एफ एमपाखें प्रत्यक्ष प्रशारण यानाः थुगु अभियान न्ह्याकेगु

धयादिसें नेवाः एफएमया आधिकारिक वेवसाइटपाखें विश्वन्यंकं हे नेवाःतय्गु वस्तीया सः थ्वयेकेगु अभियानया रूपय् न्ह्याकागु खः धयादिल ।

हलिं नेवाः गुथिया केन्द्रीय नायः शान्तप्रकाश श्रेष्ठ मूपाहांकथं भायादीगु उगु ज्याइवलय् हलिं नेवाः गुथि थानकोट कचाया नायः विष्णुभक्त गोपाली, हलिं नेवाः गुथि सोनितपुर कचाया नायः ईश्वर श्रेष्ठ व श्री आदिनारायण भजन मण्डलपाखें इन्द्रबहादुर श्रेष्ठ थःथःगु नुगःखँ तयादीगु खः।सा श्री आदिनारायण भजन मण्डलया प्रतिनिधि नापं बरिष्ठ संगीतकार धनबहादुर गोपालीं लसकुस यानादीगु खः ।

विनिता महर्जन व विनिता श्रेष्ठ न्ह्याकादीगु उगु ज्याइवलय् थक्वाःया कलाकारपिन्सं सांगीतिक ज्याइवः नं याःगु खः ।

नेवाः प्रदेश सुनिश्चितता बीम्ह उम्मेदवार ल्यय्त ह्याउँनिभाःया इनाप



यैँ । ह्याउँनिभाः पुचलं न्ह्यःने वयाच्वंगु प्रतिनिधि सभा व प्रदेश सभा निर्वाचनय् नेवाः प्रदेश सुनिश्चितताया ग्यारेन्टी बीम्ह उम्मेदवारयात हे भोट बीत आह्वान याःगु दु । येंय् संचारकःमिपिंलिसे अन्तर्क्रिया ज्याइवःया ग्वसाः ग्वसें ह्याउँनिभाः पुचलं मतदातापिन्सं नेवाः राज्य स्थापनाया खँय् प्रतिवद्ध लिसें सडक विस्तारं पीडित आमनेवाःया घालय् मल्हम तय्केफुम्ह उम्मेदवार ल्यय्त आह्वान याःगु खः । पुचःया कजि राकेश मास्कें थःम्हं ल्यइम्ह उम्मेदवार नेवाःतय्गु आर्थिक व सामाजिक विकास यायेगुलिइ प्रतिवद्ध खः कि मखु धइगु खँयात ध्यानय् तय्त नं इनाप यानादिल ।

संचारकःमिपिनिगु न्ह्यसःया लिसः बियादिसें सुवालं नेवाः हक अधिकारया मुद्दाय् प्रतिवद्ध गुगु नं पार्टीया उम्मेदवारयात त्याकेगु लकस ब्वलंकेगु नितिं थःपिं सक्रिय जुइगु धयादिल । अथे हे पुचःया संस्थापक नायः मनरत्न शाक्य व पूर्व मू छ्याञ्जे यादवप्रसाद रन्जीतं पुचःपाखें निर्वाचनया इवलय् थःपिनिगु तयारी व रणनीतियात कयाः न्ववानादीगु खः ।

ने.सं.११०य् ह्याउँनिभाः नेपालभाषा ग्वाहालि पुचःया नामं स्थापना जुयाः नेवाः साहित्य छ्यलय् सक्रिय जुयाच्वंगु संस्था थौंकन्ह्य् ह्याउँनिभाः पुचः नामं विशेष रूपय् नेवाःतय्गु आर्थिक मुद्दाय् केन्द्रित जुयाः थीथी ज्याइवःत याना वयाच्वंगु दु ।

चुनाव...

थुगु ल्याखं स्वल धाःसा थौंकन्ह्य् नेपाली कांग्रेस वाम गठबन्धन विरुद्ध गुगु कथं क्वहां वःगु दु उगु कथं वाम गठबन्धनया नेतात कांग्रेस विरुद्ध क्वहांवःगु खने मदु ।

न्ह्यागु हे जूसां आखिर चुनावं वाम गठबन्धन व कांग्रेस मध्ये छगूयात न्हापांगु शक्ति अले मेगु शक्तियात निगगु शक्तिया रूपय् जनतां स्थापित याइगु अवस्थायात सुना नं अस्वीकार याय्फइगु अवस्था धाःसा मदु । अले संघीय समाजवादी फोरम, राजपा, जनजातिया पार्टीत नापं याना पहिचानवादीतय्गु छगू शक्तिया रूपय् स्थापित जुइ थुगुसीया चुनावं ।

थ्व ल्याखं स्वल धाःसा चुनावं लिपा स्वंगू शक्ति दइ । वाम शक्ति, कांग्रेस शक्ति व पहिचानवादी शक्ति खः । थ्व स्वंगू

शक्तिपाखें गुलि गुलि सिट त्याकीगु खः उकिया आधारय् हे मुलुक न्ह्याः वनी । अले थ्व हे स्वंगू शक्तिया समिकरणया आधारय् सरकार निर्माण, मुख्य मन्त्री ल्यय्गुनिसें संविधान संशोधनया सवालनिसें फुक्क खँय् प्रभावित जुइ ।

थःपिनिगु...

लागाय् चुनावी अभियानय् वनाच्चनादीम्ह एमालेया अध्यक्ष केपी शर्मा ओलीयात उगु बुखँ न्यंकल । अले अजूचाया धयादिल थःगु पार्टीया नेतातय्त जिं मस्य् धकाः धयादिल । अले तत्काल हे माओवादी केन्द्रया अध्यक्ष प्रचण्डयात ओलीं फोनयाना समाचारया बारे कनादिल । प्रचण्ड नं उगु खँ न्यना अजूचाल । निम्हं फोनेय् खँ ल्हाल्हॉ

न्हिलादिल । थःपिन्सं नेतृत्व यानाच्चनागु पार्टी अले थःपिं एकताया नितिं न्ह्याः वनाच्चनागु अवस्थाय् थःपिन्सं हे मसिइक मंसीर ९ गते पार्टी एकीकरण जुइन धकाः समाचार वःगुलिं वय्कःपिं निम्हं अजूचाइगु स्वाभाविक हे खः । अनं लिपा ला एमालेया अध्यक्ष ओलीं तत्काल हे लिसः बियादी कि कम्युनिष्टत छप्पं मयाकेगु खेल धकाः ।

‘नेवाः’य्...

घोषणापती बाम व लोकतन्त्रवादी निगू अलग अलग विचारधाराया गठबन्धन जूसां नं आदिवासी जनजाति, मधेसीलिसें उत्पीडित समुदायया मुद्दाया सवालय् निगुलिं गठबन्धनया बिचारय् खास हे मपाःगु न्ह्यथनातःगु दु । घोषणापती न्ह्यथनातःगु दु, ‘थुगु गठबन्धनं निगू दलीय तानाशाह हावी

जुइगु खतरा दु । बहुल जाति, बहुल विचाः दुगु देशय् निगू दलं जक शासन न्ह्याकेगु धइगु मेमेगु जाति व विचाःयात न्हंका छ् वय्गु ग्यानापगु षडयन्त्र खः ।’

नेरापां थीथी उतारचढावया बाबजूद नं उम्मेदवारी बिचागु न्हयथंगु दु । पार्टीया संस्थापक नायः डा. केशवमान शाक्यलिसेंया संस्थापक नेतात डा. बाबुराम भट्टराई नेतृत्वया न्हगू शक्तिइ दुहां वनेवं पार्टी कमजोर जगु खः । व लिपा हे पार्टीया छम्ह जक सांसद लक्ष्मण राजवंशीं मधेश आन्दोलन व राष्ट्रियताया विषयस पार्टी नीति अःखः न्ववाःगु धासें पार्टीपाखें पित्युंगु खः । अनलिं नायः डा. सैजु पार्टी न्ह्याका वयाच्चनादीगु खः ।

सार्वजनिक याःगु घोषणापती प्रदेश नं. ३या जातीय बनोट व आर्थिक सम्भावनायात नं दुथ्याकातःगु दु । अथेहे प्रत्येक प्रदेशय्

दुगु मौलिक पहिचानयात म्वाकातयगु व प्रदेश दुनेया सःयात थकाय्गु नितिं पार्टी उम्मेदवारी ब्यूगु नं न्ह्यथनातःगु दु । संविधान संशोधनपाखें पहिचान, जातीय, भाषिक समानता सम्बोधन याय्गु लक्ष्ययालिसें पार्टी उम्मेदवारी ब्यूगु नं न्ह्यथनातःगु दु ।

अथेहे घोषणापती आदिवासी, जनजाति, मधेसी, दलित समुदायया अधिकार सुनिश्चित याय्गु, प्रदेश नं ३ य् नेपालभाषा व तामाङ्ग भाषाया नं सरकारी ज्याखँया भाषाकथं मान्यता बीकेगु, आर्थिक समृद्धिया नितिं विभेद मदुगु समाज दय्केगु, स्वदेशय् हे लजगाः सिर्जना याय्गु, कृषिइ आधारित अर्थतन्त्र दय्केगु, चीन व भारतया आर्थिक ताँकथं ज्या याय्गु, राज्यया निकायस समानुपातिक प्रतिनिधित्व सुनिश्चित याय्गु प्रतिबद्धता प्व्कातःगु दु ।

शाक्य फाउण्डेशनपाखें येंया प्रमुखयात हन

यें । शाक्य फाउण्डेशन नेपाल न्हूदें नेपाल सम्बत् ११३८या लसताय भिन्तुना कालबिल ज्याइवः याःगु दु । उगु ज्याइवल्य यें महानगरपालिकाया प्रमुख विद्यासुन्दर शाक्ययात नं हनेगु ज्या जुल ।

ज्याइवल्य सम्मानित प्रमुख शाक्य येंया कला व संस्कृतिया संरक्षण व सम्बर्द्धन यायगु न्हापांगु प्राथमिकताय दुगु व थनया

बहाःबहीकथं म्हसीका वयाच्चंगु महाविहारया जीर्णोद्धारया योजना व बजेट विनियोजन यायगु ज्या जूगु धयादिल ।

फाउण्डेशनया नायः अमीरमान शाक्यया सभाध्यक्षताय जूगु उगु ज्याइवल्य सल्लाहकार देवकाजी शाक्य, न्वकू राजकाजी शाक्य, न्हूदें राष्ट्रिय समारोह समितिया सुजीव बज्राचार्य थःगु नुगःखें तयादीगु खः ।

ज्याइवल्य १६गू बही सर्वसंघया मू थकालि अष्टान शाक्य व कीर्तिपूण्य महाविहार लगं बहाःया स्थविर ज्ञानमान शाक्ययात मानार्थ आजीवन दुजः लःल्हाःगु खःसा फाउण्डेशनया आजीवन दुजः जुयाः थीथी महाविहार व संघसंस्थाया नेतृत्व यानाः शाक्य समुदाय व बुद्धधर्मया प्रबर्द्धनय योगदान बियादीपिन्त नं हनेगु ज्या जूगु खः ।



नेपाली कांग्रेसया प्रतिनिधि सभा क्षेत्र नं. ८ या प्रत्यक्ष उम्मेदवार **नविन्द्रराज जोशी** यात सिमा चिंल्य छाप तथा अत्याधिक मतं त्याकादिसैं ।



नेपाली कांग्रेस

यें क्षेत्र नं. ८ चुनाव प्रचार प्रसार समिति



चुनाव चि



नेपाली कांग्रेसया प्रदेश सभा क्षेत्र नं. ८(क) या प्रत्यक्ष उम्मेदवार **राज्य लक्ष्मी श्रेष्ठ** यात सिमा चिंल्य छाप तथा अत्याधिक मतं त्याकादिसैं ।



नेपाली कांग्रेस

यें क्षेत्र नं. ८ चुनाव प्रचार प्रसार समिति



चुनाव चि



वाम गठबन्धनका साभा उम्मेदवार प्रतिनिधि सभा क्षेत्र नं. ८ या प्रत्यक्ष उम्मेदवार **जीवनराम श्रेष्ठ** यात सुर्घः चिंल्य छाप तथा अत्याधिक मतं त्याकादिसैं ।



सयुक्त वाम गठबन्धन

निर्वाचन परिचालन कमिटी, क्षेत्र नं. ८, यें



वाम गठबन्धनका साभा उम्मेदवार प्रदेश सभा क्षेत्र नं. ८(क) या प्रत्यक्ष उम्मेदवार **राजेश शाक्य** यात सुर्घः चिंल्य छाप तथा अत्याधिक मतं त्याकादिसैं ।



सयुक्त वाम गठबन्धन

निर्वाचन परिचालन कमिटी, क्षेत्र नं. ८, यें



वाम गठबन्धनका साभा उम्मेदवार प्रदेश सभा क्षेत्र नं. ७(क) या प्रत्यक्ष उम्मेदवार **बसन्त मानन्धर** यात सुर्घः चिंल्य छाप तथा अत्याधिक मतं त्याकादिसैं ।



सयुक्त वाम गठबन्धन

निर्वाचन परिचालन कमिटी, क्षेत्र नं. ७, यें



वाम गठबन्धनका साभा उम्मेदवार प्रदेश सभा क्षेत्र नं. ९(क) या प्रत्यक्ष उम्मेदवार **अजयक्रान्ति शाक्य** यात सुर्घः चिंल्य छाप तथा अत्याधिक मतं त्याकादिसैं ।



सयुक्त वाम गठबन्धन

निर्वाचन परिचालन कमिटी, क्षेत्र नं. ९, यें



नेपाः राष्ट्रिय पार्टीया प्रदेश सभाया क्षेत्र नं. १० (ख)या प्रत्यक्ष उम्मेदवार **बिष्णुभक्त गोपाली** यात खइग चिंल्य छाप तथा अत्याधिक मतं त्याकादिसैं ।



नेपाः राष्ट्रिय पार्टी
नयाः राष्ट्रिय पार्टी
Nepa Rastriya Party

यें क्षेत्र नं. १० चुनाव प्रचार प्रसार समिति



चुनाव चि



नेपाः राष्ट्रिय पार्टीया प्रदेश सभाया क्षेत्र नं. ७ (क)या प्रत्यक्ष उम्मेदवार **डा. विजय प्रकास सैजु** यात खइग चिंल्य छाप तथा अत्याधिक मतं त्याकादिसैं ।



नेपाः राष्ट्रिय पार्टी
नयाः राष्ट्रिय पार्टी
Nepa Rastriya Party

यें क्षेत्र नं. ७ चुनाव प्रचार प्रसार समिति



चुनाव चि



संघीय समाजवादी फोरम नेपाल पार्टीया प्रदेश सभाया क्षेत्र नं. ८ (क)या प्रत्यक्ष उम्मेदवार **मनरत्न शाक्य** यात मसाल चिंल्य छाप तथा अत्याधिक मतं त्याकादिसैं ।



संघीय समाजवादी फोरम, नेपाल

यें क्षेत्र नं. ७ चुनाव प्रचार प्रसार समिति



चुनाव चि

Q&J DOUBLE ROAD

DOUBLE ROAD, KAPSEN, HAIDA Brand या Radial टायर व मोटरसाइकलया टायर नेपाःया बजारय

साय्मि ट्रेडिङ्ग कम्पनी

फोन : ०१- ४२७१६०२, मोबाइल नं. : ९८५१०९२५५, ९७४१०२७०८१, ईमेल : saymitradingco@gmail.com



फुक्कं कथंया
टायरय
ग्यारेन्टी दु ।

